

**“ТАСДИҚЛАЙМАН”**  
**Давлат харидлари соҳасидаги**  
**шикоятларни кўриб чиқиш бўйича**  
**комиссия раиси**  
**ЭРИ билан тасдиқланган**  
**Атаджанов Муродбек Бекбергенович**

**Давлат харидлари соҳасидаги шикоятларни кўриб чиқиш бўйича комиссия**  
**йиғилишининг**  
**Р00022 Баёни**

Тошкент шаҳри

2023 йил “18” Июль

**Раислик қилди:**

Атаджанов Муродбек Бекбергенович –  
Қўмита бошлиғи ўринбосари

**Қатнашдилар:**

Давлат харидлари соҳасидаги  
шикоятларни кўриб чиқиш бўйича  
комиссия аъзолари

Давлат харидлари соҳасидаги шикоятларни кўриб чиқиш бўйича комиссия  
йиғилишининг қворуми – 91 %

**КУН ТАРТИБИ:**

Давлат харидлари соҳасидаги шикоятларни кўриб чиқиш бўйича комиссияга  
келиб тушган Ислон Каримов номидаги ТДТУ академик лицейининг 2023 йил 19  
июндаги 01/63 сонли мурожаати

---

Ушбу мурожаатда:

Ислон Каримов номидаги ТДТУ академик лицейи ва “Global Investment Group” МЧЖ (кейинги ўринларда - Жамият) ўртасида 2022 йил 2 мартда (лот № 22111008102651) ўтказилган давлат харидлари юзасидан товар етказиб бериш тўғрисида 119994- сонли шартнома тузилганлиги;

Мазкур шартнома бўйича академик лицейи томонидан 2 650 000 сўм маблағ 2022 йил 3 мартдаги 15-сонли мемориал ордер билан олдиндан давлат харидлари электрон тизимининг оператори махсус ҳисоб-рақамига ўтказиб берилганлиги;

бугунги кунга қадар жамият ўз мажбуриятини бажармасдан келаётганлиги;  
шундан келиб чиқиб, икки тарафлама шартномани бекор қилиш бўйича электрон тизим орқали юборилган таклифга жамият ҳеч қандай жавоб бермаганлиги (бекор қилиш тугмаси босилмаган);

буюртмачи томонидан ўтказилган тўлов электрон тизимда ёпилмай қолиб кетганлиги ва уни шартномани бекор қилмасдан қайтариш имкони мавжуд эмаслиги;

шартномада қайд этилган телефон рақами орқали (99-978-78-01) жамият вакили билан боғланилганда ҳозирда жамият суд қарори билан банкрот деб топилгани, тугатиш жараёни кетаётганлиги, шу сабабли шартномада белгиланган товарларни етказиб бера олмаслигини, электрон тизимга кириш калити актив ҳолатда эмаслиги сабабли шартномани бекор қилиш тугмасини боса олмаслигини маълум қилганлиги;

Ўзбекистон Республикаси Олий суди интерактив суд хизматлари сайтидан олинган маълумотга кўра ҳақиқатда Наманган вилояти Янгиқўрғон туманлараро иқтисодий суди томонидан (судья Ш.Т.Тўхтабоев) 2022 йил 24-октабрдаги қарор билан жамият банкрот деб топилганлиги баён этилган.

Мазкур масала юзасидан буюртмачи томонидан белгиланган тартибда Янгиқўрғон туманлараро иқтисодий судига мурожаат қилинганда, Буюртмачига Иқтисодий суднинг 2023 йил 10 февралдаги 46-сонли хати орқали мазкур масала суд тартибда ҳал этилмаслиги юзасидан жавоб хати юборилган.

Комиссия аъзоларига мурожаатчи томонидан, электрон тизим орқали тузилган мазкур шартномани бекор қилинишида, шартнома бўйича олдиндан ўтказилган тўловни қайтарилишида амалий ёрдам сўраганлиги маълум қилинди.

“Ўзбекистон Республикаси Олий Хўжалик суди Пленумининг 2014 йил 28 ноябрдаги 269-сон қарорининг 1-бандига мувофиқ, битимларни ҳақиқий эмас деб топиш билан боғлиқ низоларни ҳал қилиш иқтисодий судлар томонидан Ўзбекистон Республикаси Фуқаролик кодекси, Ўзбекистон Республикаси Иқтисодий процессуал кодекси, «Хўжалик юритувчи субъектлар фаолиятининг шартномавий-ҳуқуқий базаси тўғрисида»ги Ўзбекистон Республикаси Қонуни ва бошқа қонунчилик нормаларига амал қилган ҳолда кўриб чиқилиши белгиланган.

Комиссия аъзолари томонидан шикоятнинг шартномавий муносабатларни бекор қилишга оид қисми қонун талаблари асосида белгиланган тартибда амалга оширилиши таклиф этилди.

### **Кун тартибдаги масалаларни кўриб чиқиб, Комиссия раиси қарор қилади:**

“Махсус ахборот портали операторининг давлат харидларини ташкил этиш ҳамда ўтказиш борасидаги фаолияти тўғрисида”ги Низом (21.05.2018 й. рўйхат рақами 3013)нинг 53-бандига мувофиқ, ХҚКП суднинг қонуний кучга кирган қарори ёки давлат харидлари соҳасидаги шикоятларни кўриб чиқиш бўйича комиссия қарори асосида закалатни банддан ечишни ва/ёки тегишли ҳисоб рақамга ўтказишни амалга ошириши белгиланган.

Шунга асосан, давлат харидлари электрон тизими операторига 2022 йил 2 мартда (лот № 22111008102651) ўтказилган давлат харидлари юзасидан товар етказиб бериш тўғрисидаги 119994- сонли шартнома бўйича киритилган 2 650 000 сўм маблағни банддан ечиш ҳамда Ислон Каримов номидаги ТДТУнинг тегишли ҳисоб рақамига ўтказиш вазифаси юклатилсин.

**Комиссия аъзолари:**

Бўранов Шухратжон Арзимурамович

ЭРИ билан тасдиқланган

Алиев Тофиг Али угли	ЭРИ билан тасдикланган
Ubaydullayev Avaz Baxtiyarullayevich	ЭРИ билан тасдикланган
Шукуров Умидбек Иноят ўғли	ЭРИ билан тасдикланган
Камилов Мирзохид Зафаржанович	ЭРИ билан тасдикланган
Махкамов Рустам Хусниддинович	ЭРИ билан тасдикланган
Маманазаров Султонбек Шодикулович	ЭРИ билан тасдикланган
Номозов Жамшид Ғиёс ўғли	ЭРИ билан тасдикланган
Аллаберганов Бобирбек Адилбекович	ЭРИ билан тасдикланган